

Lohkat govvagirjjiid mánáidgárddis

Lea dehálaš boktit sáhkkiivuoda ja lohkanmovtta ovtta mánájoavkkuin ovdal go lohkahtá ovtta girjji. Geahčadit govaid ja ságastallat veahá maid mánát oidnet govain ja maid sii jáhkket dáhpáhuvá hukse vuordámušaid girjjiis sisdoallui. Seammas beassá rávisolmmoš čilget sániid maid mánát eai soaitte dovdat ovdalaččas, ovdal go álgá lohkat girjji. Go hástala mánáid muitalit maid sii oidnet govain, de dat nanne máná muitalandáiddu ja áicilvuoda, ja nu maid hukse sáhkkiivuoda muitalusii.

Go mánáide áigu ođđa girjji lohkat, de berre álggos ságastallat girjji nama ja ovdasiiddu birra, ja jearrat man birra jáhkket mánát ahte dát girji sáhhtá leat. Dasto geahčadit ovtta govaid juohke siiddus. Unnimusaide ferte divvut gažaldagaid, konkrehta dahje álkin, nugo: “Maid Biret bargá?” Lea rávisolmmoš gažaldat mii hábme mánáid muitaleami, ja go lea buori álggu ožžon ságastallamii, de sáhhtá jearrat rabas gažaldagaid, nugo “Mii dán govvas oidno?” Dalle besset mánát muitalit juste maid sii oidnet.

Dávjá mánát fuomášit eará detáljaid go rávisolbmot ja ságastallama sáhhtá mánáid fuomášumiid vuodul hukset viidáset. Go jearrá maid mánát jáhkket, dahje jurddašit dahje maid sii oaivvildit, de besset mánát iežaset sániiguin muitalit ja dasa leat mánáin dávjá buorit vástádušat. Maid jáhkket mánát geavvá? Maid son diet olmmoš dien govvas jurddaša? Sáhhtá máid jearrat konkrehta ahte makkár mielas leat mánát govain, orrogo sis somá vai orrot go ballame, dahje leago váivi? Ja joatkit sága: “Manne son nu?” Hástala mánáid muitalit maid sii oidnet govain ja maid sii jurddašit dan birra. Ná mánát hárhallet muitalit iežaset jurdagiid, hukset cealkagiid, sojahit sániid ja báhkcodeami, ja ovdánahttet muitalandáidduideaset. Mánát maid dáinna lágiin hárhallet guldalit maid eará mánát oaivvildit dahje masa sii leat bidjan fuomášumi govain, ja nu veahá suokkardit movt eará olbmot jurddašit.

Go ovtta siiddu birra leat muitalan de lea vuogas jearrat “Movt son de geavvá?” ja mánát hutkagohtet viidáset muitalus, go fuomášit ahte muitalus jotkojuvvo boahhte siiddus. Gažaldat maid buktá vuordámuša muitalusii ja doalaha sáhkkiivuoda girjji ektui.

Jus mánát roahkasaddet go galget hupmat govaid birra, eai gávnna sániid, de ferte rávisolmmoš muitalit, namuhit namain dinggaid dahje dáhpáhusa mii oidno. Ii leat áhpu jearrat mánás, jus navdá ahte máná ii dovdda daid sániid mat gullet govvi dahje dáhpáhusii. Go mánáide čilgejuvvo govaid bokte girjji sisdoallu, de lea maid álkit mánáide čuovvut mielde muitalus go de sii dovdet daid sániid ja ipmirdit mii girjjiis dáhpáhuvá. Mánát masset beroštumi girjái jus leat beare olu amas sánit, ja eai nagot čuovvut sisdoalu girjjiis. Danne berre ovdagihtii čilgen doahpágiid mat sáhhtet leat apmasat girjjiis.

Go lea lohkan girjji gitta lohppii, de sáhhtá humadit ahte leigo nu go ovdal jurddašeimmet. Sáhhtá mannat fas ruovttoluotta govaide, álggu rájes geahčadit, mii oidno govain mii muitalus dáhpáhuvai, muittohallat muitalus oktii vel. Hástala mánáid muitalit ja geardduhit girjji sisdoalus govaid bokte. Jeara masa mánát liikojedje buoremusat muitalus. Lei go mihkkege ilgat? Dahje somá? Leat go mánát vásihan seamma goassege go muitalus? Divo gažaldagaid jus mánáin orru miella eambo hupmat, muhto lea maid ortnegis jus eai šat gille hupmat dan girjji birra eambo mannel go leat geargan.